

OFFICIAL CITY BUSINESS

1787-00



City of Boston
c/o Constellation
P.O. Box 4911
Houston, TX 77210-4911

Presort First Class
U.S. Postage Paid
Boston, MA
Permit #1736

KA BU BOTA NA LIXU – AVIZU INPURTANTI SOBRI TAXAS DI ILETRISIDADI



Stimadu Vizinhu,

Komu un sidadi litoral, Boston sta spisialmenti vulnerável a inpaktus di mudansa klimátiku—désdi auméntu di nível di mar y inundason, a tenpestadis más gravi y ivéntus klimátiku stremu. Pa pruteje nos kumunidades, nu ta meste toma mididas kurajozu pa riduzi imisons di karbonu y kria un Boston más rizilienti y sustentável. Partisipason na programa [Boston Community Choice Electricity \(BCCE\)](#) é un opurtunidade pa faze izatamenti kel-la.

Boston Community Choice Electricity ta lokaliza tomada di disizon sobri inerja pa da prioridade a kes kumunidade más afetadu pa mudansa klimátiku, y ta ofereze iletrisidade rinovável na présu asesível ki ta jera popansa di longu prazu. Nos objetivu é da moradoris y pikénus inpréza kapasidade di skodje módi ki nu ta fornese inerja na nos kumunidades, y kapasidade di faze-l ku iletrisidade rinovável ki é asesível pa tudu algen—indipendentimanti di nível di rendiméntu.

BCCE ta ofereze três prudutu: Padron, Opsional Báziku, y Opsional Verdi 100. Klientis pode silesiona kel opson ki é midjor pa es, y es pode muda pa un opson más altu ô más baxu óra ki es kre, y ka ten multa. Tantu prudutu Padron komu Opsional Verdi 100 ta ofereze más inerja rinovável di ki Eversource. Enbóra programa ka ta pode garanti popansa nun ditirminadu mês, tudu três prudutu di BCCE sta atualmenti más baratu di ki Sirvisu Báziku di Eversource pa moradoris (\$0.25649/kWh) y pikénus inpréza (\$0.26049/kWh), ki signifika ma un morador ki sta inskriu na planu Padron di BCCE, y ki ta uza 600 kWh/mês, pode popa más di \$86 pa mês na se kónta di iletrisidade, peluménus ti junhu di 2023.

Si bu tene kondison finanseru, pensa na inskreve na prudutu Opsional Verdi 100 di BCCE, ki ta fornese 100% di inerja rinovável di fontis sima solar (sol) ô eóliku (béntu). Si bu muda pa kel opson más altu Opsional Verdi 100 y bu ta uza 600 kWh/mês, bu pode popa más di \$69 pa mês na bu kónta di iletrisidade, peluménus ti junhu di 2023, konparadu ku Sirvisu Báziku di Eversource. Y mésmu témpu bu ta fika ta dizenpenha un papel fundamental na riduzi puluison, pruteje meu ambiente y djuda Boston bira un sidadi *Green New Deal* y neutru en karbónu.

Pa klientis ki ten otus apoiu, Eversource ta ofereze várius planu di ajuda y pagaméntu. Bu pode kualifika pa bu dadu un diskontu di 36% na bu kónta si bu ta resebe SNAP, WIC, MassHealth, Health Safety Net, SSI, Abitason Susial ô Subsidiadu, Sirvisus pa Veteranus, ô LIHEAP. Partisipason na BCCE ka ta ben intirfiri ku ninhun kréditu nen planu di pagaméntu ki bu pode tene ku Eversource, ki ta ben kontinua ta administra bu kónta di iletrisidade. Pa mas informason, visita boston.gov/energy.

Kel Formuláriu di Notifikason di Konsumidor ki ben djuntu ku es karta tene informason inportanti pa djudá-bu disidi si bu “ka kre partisipa” ô si bu kre ser inskriu autumátikamenti na programa. Pa sabe más, inskreve pa un konsulta au vivu di 15 minutu na calendly.com/bcce. Bu pode tanbe txoma pa **617-635-3850** ô manda un e-mail pa environment@boston.gov si bu tene perguntas, ô vizitá-nu online na boston.gov/community-choice-electricity.

Boston dja é un di kes sidadi ku más ifisiénsia inerjétiku na Stádus Unidu (Mérka), má nu pode, y nu ten ki, faze más. Boston Community Choice Electricity é un stratégia ifikás, na bon présu pa djudá-nu alkansa nos méta ikunómiku y ambiental. Djuntu, nu ten puder di konstrui un Boston más ifisienti y justu pa jerasons futuro. Gósi é óra di faze-l. Obrigadu pa bu parseria!

Michelle Wu
Prizidenti di Kámara | Kámara Munisipal di Boston

Reverenda Mariama White-Hammond
Risponsável | Ambiente, Inerja y Spasus Abértu



PRUGRAMA *COMMUNITY CHOICE ELECTRICITY* DI KÁMARA MUNISIPAL DI BOSTON NOTIFIKASON PA KONSUMIDOR

16 di dizénbru di 2022

Stimadu Konsumidor di Sirvisus Báziku di Boston:

Kámara Munisipal di Boston ten prazer di anuncia ma **Constellation NewEnergy, Inc.** (“Constellation”) foi silesionadu komu fornecedor pa se Prugrama *Community Choice Electricity* (“Prugrama”). Es Prugrama é un agregason munisipal ki ta pirmiti guvénu lokal konbina puder di kónpra di ses moradoris y stabelesiméntus kumersial pa dá-s un alternativa a Sirvisu Báziku di Eversource (M.G.L. c. 164, § 134). Es Prugrama ta afeta sô parti di forneshiméntu di bu kónta mensal. El ka ta ben afeta parti di distribuison di bu kónta mensal. Eversource ta ben kontinua ta distribui bu iletrisidadi, má Boston dja skodje fornecedor pa kel Prugrama. Constellation ta ben fornese inerja ilétriku pa tudu konsumidor ki aktualmenti sta na Sirvisu Báziku na Boston. Objetivu d’es karta é pa informá-bu sobri es prugrama pa inerja ilétriku. Di akordu ku lei di stadu, el ta informá-bu tanbe di bus direitu y opson si bu prifiri ka partisipa na kel Prugrama.

- ✓ **BU TA FIKA AUTUMÁTIKAMENTI INSKRITU N’ES PRUGRAMA, ANONSER KI BU PRIFIRI KA PARTISIPA.**
- ✓ **BU TEN KI RISPONDE MÁS TARDAR TI 19 DI JANERU DI 2023, SI BU KA KRE FIKA AUTUMÁTIKAMENTI INSKRITU.**

BU KA TA BEN NOTA NINHUN MUDANSA NA BU SIRVISU DI ILETRISIDADI. Úniku diferénsa ki bu ta ben odja é ma Constellation ta sta skrebedu dibaxu di sekson di “Sirvisus di Fornecedor” (“*Supplier Services*”) di bu kónta mensal. Bu ta ben kontinua ta resebe un kónta di Eversource. Bu ta ben kontinua ta manda bus pagaméntu pa Eversource pa prusesa. Eversource ta ben kontinua ta risponde a imerjências, faze leitura di kontador y faze manutenson di linhas di distribuison y di transmison. Konfiabilidadi y kualidadi di sirvisu ta ben kontinua igual. Aléndisu, bu ta ben kontinua ta ten tudu direitu y pruteson di konsumidor ki dja bu tene.

TARIFAS Y TÉRMUS KONPARATIVU

	Prugrama di Boston* (Sô Sirvisus di Fornecedor)			Eversource (Sô Sirvisus di Fornecedor)
	PADRON (padron)	BÁZIKU OPSIONAL	GREEN OPSIONAL 100	SIRVISU BÁZIKU
Tarifa				
Rizidensial	\$0.11290 pa kada kWh	\$0.10900 pa kada kWh	\$0.13987 pa kada kWh	\$0.25649 pa kada kWh
Sm C&I	\$0.11290 pa kada kWh	\$0.10900 pa kada kWh	\$0.13987 pa kada kWh	\$0.26049 pa kada kWh
Med & Lg C&I	\$0.11290 pa kada kWh	\$0.10900 pa kada kWh	\$0.13987 pa kada kWh	**Vizita eversource.com
Iluminason Públiku	\$0.11290 pa kada kWh	\$0.10900 pa kada kWh	\$0.13987 pa kada kWh	\$0.26049 pa kada kWh
Kontiúdu di Inerjia Rinovável	10% di Sertifikadus di Inerjia Rinovável di Klasi 1 di MA pa riba di rikizitus mínimu di stadu	Ta kunpri rikizitus di inerja rinovável di MA	100% di Sertifikadus di Inerjia Rinovável di Klasi 1 di MA	Ta kunpri rikizitus di inerja rinovável di Massachusetts
Durason	Febreru di 2023 – Dizénbru di 2023 [Tarifas é válidu pa sirvisu ki ta kumesa y ta tirmina na kes dia di mê s ki ta fazedu leitura di bu kontador na bu ária di sirvisu.]			1 di janeru di 2023 – 30 di junhu di 2023 [Tarifas Rizidensial, di Small C&I y di Iluminason Públiku ta muda di 6 en 6 mê s. Tarifas di Medium & Large C&I ta muda di 3 en 3 mê s.]
Térmus di Saída	SÉN KUSTU			Pode resebe un kobransa di rikonsiliason ô kréditu [sô Large C&I]

*Tarifa ta inklui (1) Taxa di Konsultor di \$0.0007 pa kada kWh pa fasilita Prugrama Community Choice Electricity di Boston y (2) Adisionador Operasional di \$0.00008 pa kada kWh pa finansia kustus di pisual asosiadu a kargu di Jerenti di Inerjia di Munisípiu.
*Tarifa pode aumenta pur kauza di un mudansa na lei kauzadu pa un auméntu dirétu, matirial na kustus duranti ténpu di kontratu.
**Vizita [eversource.com/content/ema-c/business/account-billing/manage-bill/about-your-bill/rates-tariffs/electric-supply-rates](https://www.eversource.com/content/ema-c/business/account-billing/manage-bill/about-your-bill/rates-tariffs/electric-supply-rates).

INFORMASON INPURTANTI

- N’es muméntu, tarifa é más baxu di ki tarifa di Sirvisu Báziku di Eversource. Tarifa di agregason é fiku duranti 10 mê s (febreru di 2023 pa dizénbru di 2023), enkuantu ki tarifa di Sirvisu Báziku di Eversource ta muda dos bê s pa anu, na janeru y na julhu. Purisu, tarifa di agregason pode ka ser sênpri más baxu di ki tarifa di Sirvisu Báziku di Eversource. Objetivu di agregason é oferese popansa duranti ténpu di vida di Prugrama, konparadu ku tarifa di Sirvisu Báziku di Eversource. Nu entantu, **KES POPANSA LA Y POPANSAS NA FUTURU KA TA PODE SER GARANTIDU.**
- Ka ten **NINHUN KUSTU SI BU PRIFIRI KA PARTISIPA** na Prugrama y volta pa Sirvisu Báziku di Eversource.

SI BU MANDADU ES NOTIFIKASON PA KUREIU, bu ka meste faze más nada pa partisipa na Prugrama.

TUDU KONSUMIDOR DI SIRVISU BÁZIKU ki mandadu es notifikason pa kureiu ta fika AUTUMÁTIKAMENTI inskrito na Prugrama y ta kumesa ta binifisia di tarifa di agregason apartir di dia di mês di febreru di 2023 ki fazedu leitura di bu kontador. Kel data li ta vâria di akordu ku ária di sirvisu. Data di leitura di bu kontador ta parse na bu kóna.

PRESTA ATENSON NA BU KÓNTA DI EVERSOURCE PA MÁS NOTIFIKASON di Prugrama.

- Bu kóna di febreru di 2023 ta indika ma bu sta ta transfiridu pa Prugrama di Boston.
- Bu kóna di marsu di 2023 ta mostra fornecedor di Boston y tarifa di agregason na “Sirvisus di Fornecedor”.

KONSUMIDORIS NA PLANU DI ORSAMÉNTU Ô DI RENDIMÉNTU BAXU KI TA KUALIFIKA ta ben kontinua ta resebe kes binifisiu la di Eversource.

KONSUMIDORIS DI PAINEL SOLAR Y DI INERJIA SOLAR DI KUMUNIDADI ta ben kontinua ta resebe *net metering* (sistéma di kompensason di iletrisidadi) ô kréditus na kóna enkuantu es ta resebe forneshiméntu di iletrisidadi déntu di Prugrama, y valor di kes kréditu li ka ta ben altera pur kauza di partisipason na Prugrama.

TUDU INPOSTU APLIKÁVEL TA BEN KOBRADU djuntu ku kustu di forneshiméntu di iletrisidadi. Responsabilidadi di identifika y pidi un izenson di kobransa di inpostu é di bo; é sô bu aprizenta dukumentason apropiadu.

PIKÉNUS INPRÉZA KI TEN IZENSON DI INPOSTU ten ki manda un kópia di ses Sertifikadu di Izenson di Inerjia dirétamenti pa Constellation pa CNETaxForms@constellation.com (email) ô pa númeru (877) 243-4968 (faks), pa es pode mante ses statutu di izenson di inpostu.

SI DJA BU SKODJE UN FORNESEDOR KONKURENTI, bu ten ki skodje kel opson di ka partisipa n’es Prugrama. Kel-li ta garanti ma bu ta kontinua ta resebe bu iletrisidadi di kel Fornecedor Konkurenti.

SI DJA BU SKODJE UN OPSON DI FORNESIMÉNTU DI ILETRISIDIADI IKULÓJKU (GREEN) ATRAVÊS DI EVERSOURCE, bu partisipason n’es Prugrama ka ta ben afeta bu partisipason na kel Forneshiméntu di Ilettrisidadi Ikulójiku.

SI BU KA KRE PARTISIPA N’ES PRUGRAMA, bu pode: 1) Skodje opson di ka partisipa y kontinua ta paga tarifa di Sirvisu Báziku di Eversource; ô 2) Skodje opson di ka partisipa y skodje otu Fornecedor Konkurenti (si ten algun dispunível).

MÓDI KI BU TA SKODJE OPSON DI KA PARTISIPA

- Sina kel karton di opson di ka partisipa y manda-l di vólta déntu di kel invilópi ku sélu pagu ki bu mandadu; Ô
- Vizita boston.gov/community-choice-electricity y klika na kel boton di opson di ka partisipa, dipos prenxe Furmuláriu di Opson di ka Partisipa y manda-l; Ô
- Txoma Constellation pa númeru (833) 930-3161 y pidi pa kontinua ku Sirvisu Báziku di Eversource.

KUALKER MUMÉNTU DIPOS DI INSKRISON, bu pode inda skodje opson di ka partisipa, SÉN KUSTU. Pode leba alguns siklu di faturaméntu ti ki bu torna volta pa Sirvisu Báziku di Eversource. Si bu skodje opson di ka partisipa dipos di inskrison inisial, bu pode manda un furmuláriu di Opson di ka Partisipa pa boston.gov/community-choice-electricity Ô txoma Constellation pa númeru (833) 930-3161 y pidi pa volta pa Sirvisu Báziku di Eversource.

PA SKODJE UN PRUDUTU BÁZIKU Ô UN PRUDUTU KU INERJIA RINOVÁVEL 100% DI NOVA INGLATÉRA, vizita boston.gov/community-choice-electricity ô bu pode txoma Constellation pa númeru (833) 930-3161 y pidi pa inskreve na un di sigintis prudutu:

- **Prudutu Báziku Opsional di Boston** ta kunpri rikizitus di inerjia rinovável di Massachusetts Es prudutu sta ta oferesedu pa présu di \$0.10900 pa kada kWh durante 10 mês (febreru di 2023 pa dizénbru di 2023).
- **Prudutu Green 100 Opsional di Boston** ta oferesede 100% di Sertifikadus di Inerjia Rinovável di Klasi 1 di MA, ki konsigidu ku kónpra di más 78% di Sertifikadus di Inerjia Rinovável (REC) pa riba di rikizitus di stadu pa kes inerjia rinovável na kel altura la. Es prudutu sta ta oferesedu pa présu di \$0.13987 pa kada kWh durante 10 mês (febreru di 2023 pa dizénbru di 2023).

PA INFORMASON MÁS DITALHADU sobri Prugrama di Boston, vizita boston.gov/community-choice-electricity ô txomá-nu di grasa pa númeru (855) 402-5868. Pa sabe más sobri Constellation, vizita constellation.com/ma-boston.

PA TEN ASÉSU A TARIFAS DI SIRVISU BÁZIKU DI EVERSOURCE, vizita:

- Tarifas Rizidensial – eversource.com/content/ema-c/residential/account-billing/manage-bill/about-your-bill/rates-tariffs/electric-supply-rates.
- Tarifas pa Stabelesiméntus Kumersial – eversource.com/content/ema-c/business/account-billing/manage-bill/about-your-bill/rates-tariffs/electric-supply-rates.

Colonial Power Group, Inc. é un inpréza di konsultoria na inerjia ki Kámara Munisipal di Boston skodje, através di un konkursu, pa fasilita Prugrama Community Choice Electricity.



PRUGRAMA COMMUNITY CHOICE ELECTRICITY DI BOSTON

KARTON DI RISPÓSTA PA KA PARTISIPA

Kódigu di Opson di ka Partisipa

Inderésu di Sirvisu:

X

Sinatura

Data

Si bu kre partisipa na *Boston Community Choice Electricity Program* (Prugrama di Iletresidadi di Skolha di Kumunidadi di Boston), bu ka meste faze nada. Bu ta fika inskritu autumátikamenti.

Instrusons pa Opson di ka Partisipa

Si bu ka kre partisipa:

- 1) Sina y poi data
- 2) Poi na kel invilópi ki nu manda
- 3) Manda pa kureiu

Karton ten ki ser sinadu pa kel klienti ki se nómi ta parse na inderésu n'es karton li. **Invilópi ten ki ser karinbadu más tardar ti dia 19 di janeru di 2023, pa skluí-bu di Prugrama antis di bu ser inskritu autumátikamenti.**

Númeru di Kónta: